

## September

Stiigt d'Loater nuf zum Epfel brocke,  
es kunnt en gluschtig aa;  
und Birre hanget gäel wie Glocke,  
er benglet drii, se dont en locke,  
und schittlet wa n'er kaa.

Und Truube blauet, d'Stare schnablet,  
Kukumere liget dick;  
es schmatzt allum, es krablet, zablet,  
deckt ischt de Tisch, en jeder gablet  
sich uf e kräftig's Stick.

Septembertag sind goldeblau.  
Suech it bloß Gwinnt, suech Gnade au.

## Oktober

Do suuft und bläterlet der Luuser  
e Guttere voll Moscht,  
stampft Truube ii, es schuumt de Suuser,  
's lupft on vum Stuehl, me kriegt de Pfuuser,  
kumm, trinket mit, bigoscht!

Wit it, bliib furt, bischt it ganz bache!  
He, Sepp, stell d'Gelte naa,  
ruck her, due mit uns singe, lache!  
Am Himmel trimmelet en Drache,  
stoßt no a d'Wolke draa.

Me seet doch, d'Wohret liit im Wii —  
halt Maß, sunscht luegscht no dra vebii.